



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

30 Iuni 2008

1. Fesuaiga o Tau o le Suauu & Penisini

Ua faamaonia e le Kapeneta le fesuaiga o tau o suauu & penisini e pei ona faaalua i le pepa o faamatalaga sa taulimaina. O loo faaalua i le ata o loo i lalo le fesuaiga o tau o suauu ma le penisini i masina o Iuni ma Iulai 2008 i Samoa.

SUAUU	Iuni	Iulai	FESUIAIGA
PENISINI	315.2 sene/lita	343.3 sene/lita	28.1 sene/lita (8.2%)
TINO	356.1 sene/lita	393.2 sene/lita	37.1 sene/lita (9.4%)
KARASINI	336.9 sene/lita	374.6 sene/lita	37.7 sene.lita (10.1%)

O le penisini o le a siitia i le 28.1 sene i le lita mai le \$3.15 i le \$3.43, o le tiso e 37.1 sene i le lita o le a siitia ai mai le \$3.56 i le \$3.93 ma le karasini e 37.7 sene i le lita o le a siitia ai mai le \$3.37 i le \$3.75 mo le masina o Iulai 2008.

Ua faamafua lenei siitaga ona o le maualuga atu o le aofai o suauu manaomia nai lo suauu o loo gaosia. E le gata i lea, ona o le faatupulaia o le tamaoiga faapea ai ma manaoga tau malosiaga o atunuu e pei o Initia ma Saina. Na lipotia mai foi i le fono a le Faalapotopotoga o Atunuu e auina atu i fafo le Suauu (OPEC), le vaivai o le tamaoiga o le Malo o Amerika atoa ma le loloto o le lamatia i maketi tau tupe, ua faatupulaia ai le tulaga lamatia o le tamaoiga o le lalolagi ma aofia ai le tulaga o le suauu manaomia.

O loo faailoa atu i le ata o loo i lalo le tau o le suauu i nisi o atunuu o le Pasefika ma o loo manino mai ai le maualalo o le tau o suauu i Samoa pe a fua i Niu Sila, Ausetalia ma Fiti.

	SAMOA	AUSETALIA		NIU SILA		FITI	
	SAT	AUD	SAT	NZD	SAT	FJD	SAT
PENISINI	\$3.43	\$1.60	\$3.92	\$2.13	\$4.13	\$2.12	\$3.63
TISO	\$3.93	\$1.87	\$4.58	\$1.84	\$3.57	\$1.95	\$3.34

2. Tofia o le Pule Sili o le Pulega o le Malosiaga Faaeletise.

Ua faamaonia e le Kapeneta le toe tofia o le Susuga ia Muaausa Joseph Walter e avea ma Pule Sili o le Pulega o le Malosiaga Faaeletise mo le isi tolu tausaga.

Na faasalalauina lenei avanoa i le Nusipepa i totonu o le atunuu mo le lua vaiaso. I le tapunia lenei avanoa, e to'atolu i latou sa tuuina ane a latou Tusi Talosaga, ma sa valaauina uma mo faatalanoaga. I le maea ai o iloiloga ma sailiga o le Komiti Faapitoa na gafa ma le sailia o lenei avanoa, ua autasi nei le Komiti e toe tofia le Susuga Muaausa Joseph Walter e avea ma Pule Sili o le Pulega o le Malosiaga Faaeletise mo le isi tolu tausaga.

3. Fonotaga a le Mnisita o Tina ma Tamaita'i.

Ua faamaonia e le Kapeneta le malaga atu o le Minisita o le Matagaluega o Tina ma Tamaita'i, le Afioga Fiame Naomi, i le fono ua valaaulia mai ai e le AUSAID ua ta'ua o le Polokalame mo Taitai o le Pasefika, e usua i Brisbane, Ausetalia i le aso 23 Iuni 2008. A maea lenei Fono, ona toe malaga lea o le Afioga i le Minisita i le Fono a le Adult Community Education e faia i Niu Sila mai le Aso 4 – 6 Iulai 2008, ona faaiu lea i le auai atu i le Fono a le Komiti o Tupe a le Iunivesite o le Pasefika i Saute e faia i Suva, Fiti i le aso 8 Iulai 2008.

Fono i Ausetalia: O lenei fono ua avea ai le Afioga i le Minisita ma Sui auai o le Komiti Faufautua o le Pacific Leadership Programme a le AUSAID. O le faamoemoe mauluga o lenei fono ina ia maua ai nisi metotia fou e ati a'e ai galuega faatino a le Matagalauaga.

Fono i Niu Sila: O lenei fono o se valaaulia mai le ACE Aotearoa mo le Afioga i le Minisita e faia ai se tautalaga autū e faatatau i a'oa'oga mo tagata matutua.

Fono i Fiti: O fono masani ia a le Komiti a le Iunivesite o le Pasefika i Saute o loo gafa ma mea tau Tupe a le Iunivesite, ma o le a auai atu le Afioga i le Minisita i lea fono ona o lona tulaga o le Ta'ita'ifono.

4. Fausia o le Auala o Vaitele St.

Ua faamaonia e le Kapeneta le faaatupeina e le Malo o Samoa le Paleni e \$13.85 miliona mo le fausia o le auala o Vaitele Street.

O lenei paleni o loo moomia ona tuuina i totonu o le Tala o le Tupe 2009/2010 ma le 2010/2011. Ua moomia lenei tupe pe afai e tuai ma umi ona tauave lenei galuega e ono oo atu i le lua tausaga. O le fauga o lenei auala o loo i lalo o le polokalame mo galuega tetele, ma e faaatupeina e le Faletupe o le Lalolagi ma le Malo o Samoa.

O le Vaitele Street e amata mai i le auala laupapa i Lepea seia oo i le magatolu i Malifa.

5. Tauvaaga Fanafana ū

Ua faamaonia e le Kapeneta le auai atu o le Susuga ia Muaausa Joseph Walter e fai ma Sui o Samoa i le tauvaga fanafana au mo le Ipu o le Lalolagi e faia i Farani mai le Aso 23 – 29 Iuni 2008.

O lenei tauvaga ua taua o le Meteksan World Cup, ma e aofia uma ai atunuu o le lalolagi o loo i totonu o le Asosi Fanafana ū Faavaomalo, e aofia ai Samoa ma Tonga mai le Pasefika.

E taua tele lenei tauvaga mo le Susuga ia Muaausa aua e maua ai nisi o tomai e sauni atu ai mo Taaloga o le Olimipeka, ma maua se isi avanoa mo Samoa i lea tauvaga pe a manuia taumafaiga a le Susuga ia Muaausa.

I le maea ai o lea tauvaga fanafana ū o le a:

- Feiloai ai le Susuga Muaausa ma i latou e pulea ma faauluulu iai le Kamupani a le Egis Bceom International, lea o loo galulue faatasi ma le EPC mo le faatautaiina o le poloketi o le Power Sector Expansion Project;
- Talanoaina nisi mataupu o loo moomia ai le fefaasoai o finagalo o le Egis International ma le EPC; ma
- Asiase ma maimoa i le atinae eletise o le Egis i totonu o Farani.

6. Fesoasoani mo le Asosi Afeleti a Samoa

Ua faamaonia e le Kepeneta le tuuina atu o se vaega tupe mo le Asosi Afeleti o Samoa e fesoasoani atu ai i ni latou malaga taaalo se lua o loo fuafua mo tauvaga faavaomalo mo masina o Iuni ma Iulai.

O le aumalaga muamua o le a auai atu i Sailiga Siamupini a'o lei faia Taaloga a le Olimipeka a le Osienia ma Atunuu o le Pasefika, e faia Northern Marianas mai le Aso 21 – 28 Iuni 2008.

O le aumalaga lona lua a Samoa o le a auai atu lea i le Sailiga Siamupini a le Lalolagi i Vaega laiti e faia i Polani mai le Aso 8 – 13 Iulai 2008.

O le aumalaga i Northern Marianas e toalima alii a e toafa tamaitai, faatasi ai ma ni alii ofisa se toalua. O le aumalaga mo Polani e toatolu le autaaalo o le a malaga atu i nei tauvaga faavaomalo.

E taua tele le auai atu o Sui o Samoa i nei tauvaga faavaomalo aua le siitia o le latou tomai a'o le'i faia Taaloga o le Olimipeka, aemaise le ati a'e ai o le latou taleni

7. I'ugafono a le Komiti o Tauofoga.

Ua faamaonia e le Kapeneta le fautuaga a le Komiti o Tauofoga e tuu atu le galuega mo le toe faaleleia o le auala i Falealili i Kamupani o le Ulia Construction Co. Ltd., le Samoa Works and Engineering (SWEL), ma le Lucky Construction Co. Ltd.

Sa faasalalauina faalauaitete le tauofoga e tusa ai ma aiaiga a le Komiti o Tauofoga ma o Kamupani na tuuina mai a latou tauofoga e aofia ai le Silva Transport, King Construction, Ulia Construction Co. Ltd., o le SWEL, Ott Transport, TN Toleafoa, Lucky Construction, ma le Ah Liki Consstruction.

Sa faatino le iloiloga o ofo e se soakomiti faapitoa na aofia ai Sui Sinia o le Matagaluega o Galuega, Matagaluega o Tupe, ma le Ofisa o le Loia Sili e tusa ai ma aiaiga o Faamatalaga o Tauofoga sa tuuina atu i le au tauofo.

I le maea ai o iloiloga, ua lagolagoina ma talia e le Komiti le fautuaga a le soakomiti i le galulue so'oso'o tauau o ia Kamupani e tolu mo le faaleleia o le auala i Falealili. O lea fa'ai'uga sa fuafua i le vave ona faatino o le galuega i totonu o le lua (2) masina faatasi ai ma le telē o le galuega o loo faamoemoe e fia faatino.

E tāua tele lenei galuega aua ua matuā faaleagaina lava auala o lea itū, e amata atu i Sa'aga Fou seia pā'ia Sopoaga.

Government Press Secretariat